

मार्निंग डोगरी न्यूज़ बुलेटिन, समें. 09.20 Hrs

<><><><><><>

### Headlines

- 1- प्रधानमंत्री नरेंद्र मोदी होंरें आखेआ ऐ जे सरकार करसानें दे जीवन च बेहतरी दे मकसद कन्नै कीते गेदे सुधार कन्नै राईबाई दे खेतर गी तगड़ा बना करदी ऐ।
- 2- जम्मू-कश्मीर सरकारै प्रशासनिक सचिवें गी आखेआ ऐ जे ओह अफसरें दे तबादलें बारे भारतीय चुनांस आयोग आस्सेया जारी दिशा-निर्देशें दी पालमा यकीनी बनान।
- 3- इस बरें अजे तोड़ी 4 लक्ख 90 जहार शा मते श्रद्धालुएं श्री अमरनाथ जी दी पवितर गुफा च मत्था टेकी लैता ऐ।
- 4 मुख्ख सचिव होंरें अफसरें पर जोर पाया ऐ जे ओह 'हर घर नल से जल' ते 'हर खेत में पानी' सरबंधी अभियानें दी बवस्थित अमल-आवरी यकीनी बनान।
- 5 भारतीय मौसम विभाग नै अज्ज जम्मू-कश्मीर च कुते-कुते ते भारी बरखा दी भविक्खवाणी कीती ऐ।

<><><><><><>

### PM-Agriculture

प्रधानमंत्री नरेंद्र मोदी होंरें यकीन दोआया ऐ जे सरकार राईबाई दे क्षेत्र च सुधार ते लोइचदे उपास करिए इस क्षेत्र गी मजबूती देने लेई कम्म करा'रदी ऐ तां जे करसानें दे जीवन स्तरें गी उबड़ा चुक्केया जाई सकें। कल नमीं दिल्ली च कृषि अर्थ शास्त्रियें दे 32में सलाना सम्मेलन दा उद्घाटन करने परेंत अपने संबोधनै च मोदी होंरें आखेआ जे राईबाई दा क्षेत्र सरकार दी आर्थिक नीति दा केंद्र ऐ। उनें आखेआ जे भारत अन्नदाने दा सुद्धा उत्पादन करने आला मुख्ख होने दे नाते दुनिया भरै च खाद्य सुरक्षा ते कुल संसारी सतह पर खुराक सुरक्षा सरबंधी चुनौतिएं दा नबेड़ा करने च योगदान देआ करदा ऐ। उनें आखेआ जे भारत मुट्टे अनाज, दुध, दालीं ते मसालें दा उत्पादन करने आला सब्बनै शा बड्डा मुख्ख ऐ। प्रधानमंत्री नरेंद्र मोदी होंरें 6 दिनें दे इस सम्मेलन दा

नमीं दिल्ली च उद्घाटन कीता। इस सम्मेलन च दुनिया दे 75 बक्ख-बक्ख मुल्खें थमां कोई 1 जहार प्रतिनिधि हिस्सा लै करदे न।

<><><><><><>

### Election-Transfers

चुनां प्रक्रिया च पारदर्शिता ते शुचिता यकीनी बनाने लेई भारतीय चुनां आयोग नै जम्मू-कश्मीर च अधिकारिणं दे तबादले सरबन्धी निर्देश जारी कीते न। एहदे अलावा प्रदेश च होरनें चुनां निकाणं बारै बी एह निर्देश जारी कीते गेन। भारती चुनां आयोग आस्सेआ 31 जुलाई ते प्रदेश सरकार आस्सेआ 1 अगस्त गी एह हुकम जारी कीते गेन। उसै स्हाबै आम प्रशासनिक विभाग नै सब्बनें प्रशासनिक सचिवे गी निर्देश जारी कीता ऐ जे ओह इस सरबन्धे च भारतीय चुनां आयोग दे निर्देशे दी सख्ती नै पालमा करन। जेदे तैहत इक्के थाहर पर त्रै बरे तोड़ी कम्म करा'रदे या अपने गृह जिले यानि जित्थूं दे ओह बसनीक न उत्थूं अधिकारिणं दा तबादला करना लाजमी होंदा ऐ।

<><><><><><>

### Amarnath-Yatra

इस बरे अजे तगर 4 लक्ख 90 जहार श्रद्धालुणं श्री अमरनाथ जी दी गुफा च बर्फू नै बने दे शिवलिंग दे दर्शन करी लैते न। आकाशवाणी दे जम्मू संवाददाता एन. गुलशन रैना दी रिपोर्ट मुजब अज्ज जम्मू थमां 1 जहार 112 अमरनाथ श्रद्धालुणं दा 38मां जत्था कश्मीर घाटी लेई रवाना होआ। अज्ज बड्डलै 40 लौहकी-बड्डी गड्डिणं दे काफिले च रवाना होए दे इस जत्थो च 910 मर्द, 159 महिलां, 31 साधु ते 12 साध्वियां शामिल न। इंदे चा 204 श्रद्धालु बालटाल लेई ते 908 श्रद्धालु पहलगाम लेई रवाना होए न। तोआई कल यात्रा दे 36में ध्याड़े 4 जहार 787 श्रद्धालुणं कल बालटाल ते चंदनवाड़ी-पहलगाम आले रस्तेया शिवे दी पवित्तर गुफा च मत्था टेकेया। एहदे कन्नै अजे तोहड़ी श्री अमरनाथ गुफा च शिवे दे हिमलिंगम रूप दे दर्शन करी चुके दे श्रद्धालुणं दी कुल गिनतरी 4 लक्ख 90 जहार 101 तगर पुज्जी गेई ऐ। एह जातरा 14 अगस्त गी अपने खीरी पडां च

दाखल होग जिसलै भगवान शिव दी पवितर छड़ी मुबारक गी महंत दीपेंद्र गिरि हुंदी अगुवाई च पैहलगाम पुजाया जाग। श्री अमरनाथ जी दी जातरा 19 अगस्त गी सम्पन्न होनी ऐ।

<><><><><><>

### Samadhan-Portal

जिला प्रशासन रामबन नै डिप्टी कमिशनर बसीर उल हक चौधरी हुंदी दिक्ख-रिक्ख हेठ कल सरबंधत अधिकारिं गी जेके समाधान पोर्टल दे इस्तेमाल दी सिखलाई दिती। जेके समाधान पैहलकदमी दा मकसद नागरिक आधारित सेवाएं, पारदर्शिता ते जोआबदेही गी बढ़ावा देना ऐ। एह सिखलाई कार्यक्रम जिला प्रशासन दे ओकड़े जत्नें दा हिस्सा ऐ जिंदे तैहत जेके समाधान पैहलकदमी दी बवस्थित ढंग्गै सिर अमल आवरी जकीनी बनाई जा करदी ऐ।

<><><><><><>

### DGP-BSF

सशस्त्र सीमा बल दे महा निदेशक दलजीत सिंह चौधरी होरें सीमा सुरक्षा बलें दे महानिदेशक दा बाद्दू भार साम्भेया ऐ। चौधरी होर उत्तर प्रदेश कैडर दे वरिष्ठ आईपीएस अधिकारी न। उनें इस बरे जनवरी च सशस्त्र सीमा बल दे महानिदेशक दा कम्मकाज साम्भेया हा।

<><><><><><>

### Sainik-School

सैनिक स्कूल नगरोटा आस्सेआ कल 'एक पेड़ मां के नाम' अभियान तैहत रूक्ख-बूहटे जाने सरंधी कार्यक्रम दा उद्घाटन कीता गेआ। इस नेक पैहलकदमी दा मकसद पर्यावरण दी सांभ-संभाल यकीनी बनाना ते मातृत्व दी भावना दा सम्मान करना ऐ। स्कूल च 6मीं जमात च नमें दाखल होए दे बच्चें दे माता-पिताएं खरी मती गिनतरी च इस कार्यक्रमै च शिरकत कीती ते कैंपस च रूक्ख-बूहटे बी लाए। भारती नौसेना दे कैप्टन ते सैनिक स्कूल नगरोटा दे प्रिंसीपल शिबु देवासिया होरें इस मौके किट्ठ अग्गे भाषण दिता ते इस अभियान दे महत्व पर लो पाई।

<><><><><><>

ते हुन बाकी दिएं खबरें कन्ने जगमोहन शर्मा।

### CS-HSNJ

मुख्य सचिव अटल डुल्लु होरें जम्मू-कश्मीर च सब्बनें परोआरें गी नलके राहें पानी दे कनेक्शन उपलब्ध करोआने लेई जल जीवन मिशन दा जायजा लैता। मुख्य सचिव होरें सरबंधत अधिकारिं पर जोर पाया जे ओह समुदायें आस्सेआ ग्रां दे 'हर घर नल से जल' प्रमाणीकरण लेई किट्ठे रलियै गेंहीं पुट्टन। उनें सिंचाई ते हाड़ें दी रोकथाम सरबंधी मैहके आस्सेआ लागू कीती गेदी योजनाएं ते हर खेत में पानी अभियान दी बी समीक्षा कीती। मुख्य सचिव होरें शाहपुर-कंडी डैम थमां पानी हासल करने लेई मैहकमे आस्सेआ तोड़ चाढ़े जा रदे कम्मं गी सबूरा करने लेई बी आखेआ। उनें तवी बराज गी चालू करने बारै बी जानकारी लैती ते आखेआ जे इसी तौलें शा तौलें शुरू करने लेई ठोस गेंहीं पुट्टिआं जान।

<><><><><><>

### DC Jammu

जिला प्रशासन आस्सेया जागतें दे सरकारी माडल आई.सी.टी हायर सेकेंडरी स्कूल आर.एस.पुरा च आयोजित इक समारोह च कल शहीद मेजर अरविंद बजाला होरें गी श्रद्धांजलि भेंट कीती गेई। जम्मू दे डिप्टी कमिशनर सचिन कुमार वैश्य होरें इस मौके एक पेड़ शहीदों के नाम मिशन तैहत उत्थे शहीद मेजर हुंदे चेतें ते सम्मान च इक बूहटा लाया। बूहटा लाने दे बाद डीसी होरें शहीद मेजर बजाला होरें गी श्रद्धांजलि भेंट कीती। उनें शहीद दे परिवार आले कन्ने बी गल्लबात कीती। इस मौके मजूद किट्ठे गी संबोधित करदे होई उनें आखेआ जे शहीदें गी सद चेतें रखने कन्ने कन्नाकन्नी उंदे परिवारें दा मान करना बी स्हाड़ी सब्बनें दी जिम्मेवारी ऐ जेड़े देसा दी खातर ते आम लोकें दी सलामती ते सुरक्षा दी खातर अपनी जिंदू दा बलिदान देने कोला बी पिच्छे नेई रौंदे। उनें दस्सेया जे जिला प्रशासन शहीद दी अमर गाथा गी सदा-सदा लेई चेतें रखने लेई इस चाल्ली दे केई कार्यकम आयोजित करोआंदा आवा'रदा ऐ।

<><><><><><>

## Doda-Tribute

डोडा दे डिप्टी कमिशनर हरविंदर सिंह ते एसएसपी जावेद इकबाल होरें 2001 च शहीद होए दे सादिकाबाद डोडा दे बसनीक एसपीओ फिरदौस अहमद होरें गी कल श्रद्धांजलि दिती। इस मौके लोआए गेदे कार्यक्रम च डिप्टी कमिशनर ते एसएसपी होरें शहीद दे माता-पिता गी शॉल भेंट कीता। इस कार्यक्रम दा मकसद फिरदौस अहमद हुंदे सर्वोच्च बलिदान गी नमन करना हा। एह कार्यक्रम जिले भरै च चलाए जा रदे स्वच्छता पखवाड़ा संग्राम अभियान दा गै इक हिस्सा हा जेदे तैहत जिले च साफ-सफाई गी बढ़ावा दिता जा रद ऐ।

<><><><><><>

## Independence-Day Bhandarwah

भद्रवाह दे अतिरिक्त डिप्टी कमिशनर सुदर्शन कुमार होरें कल औंदे स्वतंत्रि दिवस गितै तैयारिणं गी मुकदा रूप देने लेई इक बैठक सद्दी जेदे च इस राश्ट्रीय ध्याड़े गी पूरी चाल्ली रमानदारी ते बवस्था आले ढंगै सिर तोड़ चाढ़ने लेई तैयारिणं दे बक्ख-बक्ख पैहलुणं दा तफसीली सोच विचार कीता गेआ। मीटिंगै च फैसला लैता गेआ जे भद्रवाह च मुख्क समारोह च मुख्क परौहने आस्सेआ राश्ट्रीय झंडा 8 बज्जिए 55एं मिंटे पर चाढ़ेया जाग जेदे बाद ओह परेड दी सलामी लैंगन। मीटिंगा च दस्सेया गेआ ऐ जे परेड च पुलस, एनसीसी, सीनियर डिविजन, सरकारी डिग्री कालेज, एनसीसी जूनियर विंग, हायर सेकेंडरी स्कूल भद्रवाह ते होर केई सरकारी ते प्राइवेट स्कूलें दे बच्चे परेड च हिस्सा लैडन।

<><><><><><>

## Interaction Ex Serviceman

पुंछ जिले दे कलाल, डींग, सेरी, सयाल ते मंगयोत ग्राणं दे नौजवानें लेई साबका फौजिणं कन्ने गल्लबात आले इक विशेष कार्यक्रम दा सरिस्ता कीता गेआ। इस मौके साबका फौजिणं मकामी नौजवानें कन्ने गल्लबात कीती ते दस्सेया जे जिस चाल्ली ओह फौज च भर्ती होइए देश दी सेवा करी सकदे न। उनें नौजवानें गी फौज च थहोने आलिणं सुविधाणं दे बारे च बी दस्सेया ते कन्ने इब्बी जे फौज च जाने दी इच्छेया रखने आले नौजवान किस चाल्ली देश सेवा दी इस बतै पर अगड़े बधी सकदे न।

<><><><><><>

## IMD

भारतीय मौसम विभाग नै अज्ज जम्मू-कश्मीर ते पंजाब दे केई सारे हिस्सें च भारी बरखा दी पेशगोई कीती ऐ। एहदे अला इस म्हीने दी 10 तरीक तोड़ी जम्मू-कश्मीर, हिमाचल प्रदेश, उत्तराखंड, उत्तर प्रदेश, राजथान, उप हिमालयाई पच्छिम बंगाल ते पूर्वोत्तर भारत च इस्सै चाल्ली दी स्थिति बने रौहने दे असार दस्से देन। मैहकमे नै अज्ज महाराष्ट्र, कोंकण ते गोवा बी भारी बरखा दे इमकान दस्से देन। इस पूरे हफते दौरान लगभग मुख्य भरै च बरखा गर्जी-चमकिए बरने ते किश लाहकें च बिजली पेई सकने दी बी शेंका जताई दी ऐ।

<><><><><><>